

յորս յետ յայտ առնելոյ զնեղութիւնս իւրեանց, գանկատելին զնուիրակաց Էջմիածնի և ստէին՝ վարդապետք եկեալ ՚ի սահմանացն Պարսից ՚ի պատճառս բաժանելոյ ըզՄիւռոնն, ժողովնն զմեծ դումարս դրամոց՝ եւ անցեալ զչափ առաւել քան զպէտս իւրեանց, զօրօք և երիվարօք գան իջանեն ՚ի տունս մեր, պահանջելով զպէտս երիվարօց եւ իւրեանց, անիրաւութեամբ յափշտակին զգառս և զոչխարս, իւղ և մեղր, և զայլ ամենայն ուտելիս եւ ըմպելիս, որով հասուցանեն մեզ զմեծամեծ չարիս եւ զրկանս: Իսկ Եղիազար Կաթուղիկոսն Երուսաղէմի ճրի բաժանէ մեզ զՄիւռոնն, չպահանջելով ՚ի մէնջ և սչ դանկ մի, և ինքն հասուցանէ ՚ի գանձն Արքունի իւրաքանչիւր ամի 16,000 փողս՝ զայս ամենայն գլխաւորք մեր օրինօք հաստատեալ՝ ետուն մուրհակս, և ըստ այնմ տուաւ հրովարտակ Կաթուղիկոսական, որով արար մեզ Արքայն ըզմեծամեծ շնորհս. եւ խնդրեն արգելուլ զնուիրակսն Էջմիածնի չգալ երբէք ՚ի սահմանս իւրեանց: Գրեցաւ հրովարտակ ըստ խնդրանաց նոցա առ ամենայն Իշխանս եւ Դատաւորս քաղաքաց քաղաքաց բառնալ զանկարգութիւնս նոցա:

Տեսեալ Եղիազարու, թէ Յակոբ Կաթուղիկոս հակառակ իշխանութեան իւրոյ, առաքէ եւ սիռէ ՚ի բազում պաւառս Հայոց զնամականիս և զկոնդակս իւր, և յորդորէ զնոսս ՚ի բաց կալ յիշխանութենէ Եղիազարու, և ճանաչել ինքեանց գլուխ՝ զհարադատ աթոռն Էջմիածնի. զայրացեալ ինքնին մատոյց գիր աղաչանաց առ Եալարքոսն, և ամբաստան լեալ զնմանէ, ստէ. ըստ արամադւրութեան Կայսերական հրովարտակին լեալ եմ Պատրիարք և Կաթուղիկոս Երուսաղէմ, սակս ճրի բաժանելոյ զՄիւռոնն ամենայն Հայոց եզելոց ՚ի սահմանս Օսմանեան Պետութեան, և վասն այսր տուեալ է իմ մուրհակս Հայոց բնակելոց ՚ի Կոստանդինուպօլիս, և ըստ այնմ շնորհեալ է ինձ յԱրքունուստ Կայսերական հրովարտակ: Իսկ Յակոբ Կաթուղիկոսն Էջմիածնի, որ նստի ՚ի սահմանս Պարսից, ընդդէմ դարձեալ ինձ և արանց իմոց. թէ դուք հակառակ օրինաց և կանոնաց առեալ էք հրովարտակ՝ և բռնորարէք զիրաւունս մեր: Այսպիսի ստութեամբ ամբաս-